

Abe as Land ist mi Brüodor zmol,  
koufo-n-a Schuflo, däs well ar dunn<sup>12)</sup>,  
uone a große, wo iohm gnuo faß,  
gseit heat 's mi Brüodor, und ohne Gspaß  
numma-n-arblickt hio-n-in domm und hunn.

D' Wibor, si händ vo mimm Brüodor gseit:  
glüstorlat heiod Franzoso<sup>13)</sup> vior,  
gfrogat, was ear mit dear Schuflo töü,  
wütig sei woaro do Schwitzer und hei  
zuo-gschlago, bröülat<sup>14)</sup> as wi a Stior.

Ane tättst<sup>15)</sup> hei ar woalle di vior,  
flämms<sup>16)</sup> mit dor Schuflo, abor o jeh!  
Wenn ar se gwehrt hei grad wi a Bear,  
seiod Franzoso von Strößa hear  
gsprungo ko allwil no meh und meh." —

„Hannos, wi goht as mit Loufo, schleacht?!"  
„Z' schwär bio dor, Olga, geall, und ih hald<sup>17)</sup>!"  
„Hannos, nei tuond i-ne<sup>18)</sup> stützo fest,  
daß or nid stoarchlad<sup>19)</sup> über dio Nest<sup>20)</sup>,  
dunna-n-im Güotle siom mor<sup>21)</sup> jo bald." —

„Hannos, jo groadlat<sup>22)</sup> und bundo händ  
nachhear p' Franzoso min Brüodor fest,  
izoho<sup>23)</sup> gschwind druf do Goldschmiod keack,  
us-säga sött ar, wo Goldschmuck steak.  
Merbott hei ane gio sis, das Best,

hergio dom Oborst sin Zeottor-Ring,  
gseit druf, sus hei ar und weoß ar nünt,  
plündrat sei gär alls i Hus und Tenn. —  
Fuort diocho<sup>24)</sup> nachhear sei 's Mändle denn  
schlau, wio 's a Füxle nid bessor künt. —

Abor mi Brüodor, ar ma halt do  
Rudobur numma, woand-or, sid ear<sup>25)</sup>  
's Jo-Woart heat brocho-n-und mi nid gno;  
gseit hei ar: Lond me loufo, dorno<sup>26)</sup>  
zoag e dom Oborst, wo Gealt küm hear.